



清刻龍藏佛說法變相圖

四經合卷

並是前灌頂部枝派經

四四

佛說持句神呪經

亦云陀羅尼句經

佛說陀鄰尼鉢經

東方最勝燈王如來助護持世間神呪經

如來方便善巧呪經

佛說持句神呪經

同四

吳月支優婆塞支謙譯

聞如是一時佛在舍衛國祇樹給孤獨園與大比丘眾千二百五十人菩薩萬人爾時從是佛土過億千百佛國有世界名曰無量華其佛號燈尊王如來無所著至真等正覺今現在說法時彼佛遣二菩薩一名無量光明二名大光明時二菩薩來至釋迦文佛所稽首佛足却住一面前白佛言唯然世尊從此佛土過億千百佛國有世界名曰無量華其

佛號燈尊王如來遣我等來世尊如平常不
其衆安隱無他耶天龍鬼神餓鬼鳩洹鬼若
人非人虎狼毒獸得無饒亂人民用是故彼
佛遣是持句呪來哀念衆生令安吉善名聞
威神得力如是

闍梨 摩訶闍梨 羅尼 優佉目佉 沙
波提 摩訶沙波提

佛告阿難受是持句呪執持誦說佛世難值
持句呪亦爲難遇佛語阿難若善男子善女
人受持是句呪諷誦讀識七世宿命受持者
一切浮陀鬼神若人非人不得饒近毒蛇不
能螫毒藥自然除刀亦不能傷王亦不能害
梵亦不能瞋之是受持句呪七十七億佛所
說犯是呪者當獲重罪復有菩薩彌勒等八
十人告賢者阿難我亦當說持句呪哀念衆

生令安吉善名聞威神得力如是

阿知 和知 吒佉羅 羅里彌 喜利
彌利 提盧 留彌勒

佛告阿難受是持句呪執持誦說佛世難值
持句呪諷誦讀識十四世宿命受持者一切

浮陀鬼神若人非人不得饒近毒蛇不敢螫
毒藥自然除刀亦不能傷王亦不敢害梵亦
不瞋之是持句呪八十四億佛所說謗是呪
者當獲重罪佛告阿難我亦當說持句呪哀
念衆生令安吉善名聞威神得力如是

阿知 和知 那知 鳩那知 提梨 沙
羅波提 阿那波提 波那提波那 迦和
尼 摩訶迦和尼

佛告阿難受是持句呪執持誦說佛世難值
持句呪亦爲難遇善男子善女人受是持句

呪諷誦讀識無數世宿命受持者一切浮陀鬼神若人非人不敢燒近毒蛇不敢螫毒藥自然除刀亦不敢傷王亦不敢害梵亦不瞋之是持句呪無數億佛所說犯是呪者當獲重罪佛告阿難是持句呪行道中當念之若至縣官若行賊中若蠱道若毒若刀月中若人非人中當念之是持句呪於枯樹令生葉華實何況爲人結縷也當使吉善百病消除自然安隱辟除凶害南無佛令呪所得從願佛說經已皆大歡喜

同四

二

佛說持句神呪經